

春

產後編上

內附四十
三症

庚申年

石懷珠



產後編上 共四十三症

陽曲傅青主徵君手著

產後總論

凡病起於血氣之衰脾胃之虛而產後尤甚是以丹溪先生論產後必大補氣血爲先雖有他症以未治之斯言盡治產之大旨若能擴充立方則治產可無過矣夫產後憂驚勞倦氣血暴虛諸症乘虛易入如有氣母專耗散有食母專消導熱不可用芩連寒不可用桂附寒則血塊停滯熱則新血崩流至若中虛外感見三陽表

症之多似可汗也在產後而用麻黃則重竭其陽見三
陰裏症之多似可下也在產後而用承氣則重亡陰血
耳聾脇痛乃腎虛惡露之停休用柴胡譴語出汗乃元
弱似邪之症非同胃實厥由陽氣之衰無分寒熱非大
補不能回陽而起弱瘕因陰血之虧不論剛柔非滋榮
不能舒筋而活絡乍寒乍熱發作無期之症似瘧也若
以瘧治遷延難愈言論無倫神不守舍病似邪也若以
邪治危亡可待去血過多而大便燥結肉菴蓉加於生
化非潤腸承氣之能通去汗過多而小便短澁六君子

倍加參芪必生津助液之可利加參生化湯頻服救產
後之危長生活命丹屢用甦絕穀之人癩疔脫肛多是
氣虛下陷補中益氣之方口噤拳攣乃因血燥類風加
參生化之劑產戶入風而痛甚服宜羌活養榮湯玉門
傷涼而不閉洗宜麻兒黃硫散怔忡驚悸生化湯加以
定志似邪恍惚安神丸助以歸脾因氣而悶滿虛煩生
化湯加木香爲佐因食而噯酸惡食六君子加神麩麥
芽爲良蘇木莪朮大能破血青皮枳殼最消滿脹一應
耗氣破血之劑汗吐宣下之法止可施諸壯實豈宜用

於胎產大抵新產後先問惡露如何塊痛未除不可遽
加參朮腹中痛止補中益氣無疑至若亡陽脫汗氣虛
喘促頻服加參生化湯是從權也又如亡陰火熱血崩
厥暈速煎生化原方是救急也王太僕云治下補下治
以急緩緩則道路達而力微急則氣味厚而力重故治
產當遵丹溪而固本服法宜效太僕以頻加凡付生死
之重寄須著意於極危欲求俯仰之無虧用存心於愛
物此雖未盡產症之詳然所聞諸症皆接近鄉治驗爲
據亦未必無小補云

正產

正產者有腹或痛或止腰脇酸痛或勢急而胞未破名
弄胎服八珍湯加香附白安有胞破數日而痛尙緩亦
服上藥俟之

傷產

傷產者胎未足月有所傷動或腹痛或臍痛或服催生
藥太早或產母努力太過逼兒錯路不能正產故臨月
必舉動從容不可多睡飽食飲酒但覺腹中動轉卽正
身仰臥待兒轉順與其臨時費力不若先時慎重

調產

調產者產母臨月擇穩婆辦器用備參藥產時不可多人喧鬧二人扶身或憑物站心煩用滾水調白密一匙獨活湯更妙或饑服糜粥少許勿令饑渴有生息未順者只說有雙胎或胎衣不下勿令產母驚恐

催生

催生者因坐草太早困倦難產用八珍湯稍佐以香附乳香以助血氣胞衣早破漿血已乾亦用八珍湯

凍產

凍產者天寒血氣凝滯不能速生故衣裳宜厚產室宜
煖背心下體尤要

熱產

熱產者暑月宜溫涼得宜若產室人衆熱氣蒸逼致頭
痛面赤昏暈等症宜飲清水少許以解之然風雨陰涼
亦當避之

橫產

橫產者兒居母腹頭上足下產時則頭向下產母若用
力逼之胎轉至半而橫當令產母安然仰臥令其自順

穩婆以中指挾其肩勿使臍帶羈絆用催生藥努力卽生

當歸

紫蘇 各三錢

長流水煎服卽下

一方用好京墨磨服之卽下

一方用敗筆頭一個火銀以藕節自然汁調服之卽

下

一方用益母草六兩濃煎加童便一大杯調服卽下

盤腸產

般盤腸產者產則子腸先出然後生子其腸或未卽收以

草麻子四十九粒研碎塗頭上腸收急急洗去遲則有
害又方止用四十粒去皮研爲膏塗項中收卽域之如
腸燥以磨刀水潤之再用磁石煎湯服之須陰陽家用
過有驗者

難產

難產者交骨不開不能生產也服加味芎歸湯良久卽
下

小川芎當歸各一兩敗龜版

一個酒炙

婦人髮灰一握

須

用生過男女者爲末水一鍾煎七分服

死產

死產者子死腹中也驗母舌青黑其胎已死先用平胃散一服酒水各一鍾煎八分投朴硝煎服卽下用童便亦好後用補劑調理

下胞

胞衣不下用滾酒送下失笑散一劑或益母丸或生化湯送鹿角灰一錢或以產母髮入口作吐胞衣卽出有氣虛不能送出者腹必脹痛單用生化湯

全當歸 一兩
川芎 三錢
白朮 一錢
香附 一錢

加人參 三錢 更妙用水煎服

一方用草麻子二兩雄黃二錢研膏塗足下湧泉穴
衣下急速洗去

平胃散

南蒼木

米泔水浸炒

厚朴

薑炒

陳皮

炙草

各二錢

共爲粗末或水煎或酒煎煎成時加朴硝二錢再煎一

二沸溫服

失笑散

五靈脂

蒲黃

俱研爲細末每服三錢熱酒下

斷臍

斷臍必以絲裏咬斷為妙如遇天寒或因難產母子勞倦宜以大麻油紙燃徐徐燒斷以助元氣雖兒已死令煖氣入臍多得生切勿以刀斷之

滑胎散 臨月常服數劑以便易生

當歸 三五錢

川芎 五七錢

杜仲 二錢

熟地 三錢

枳壳 七分

山藥 二錢

水二鍾煎八分食前溫服

如氣體虛弱人加人參白朮隨宜服之如便實多滯

者加牛膝二錢

治產秘驗良方

治橫生逆產至數日不下一服卽下有未足月忽然胎動一服卽安或臨月先服一服保護無虞更能治胎死腹中及小產傷胎無乳者一服卽如原體

全當歸

川芎

各一錢五分

川昇

一錢去心

荆芥穗

黃芪

各八分

厚朴

薑炒

蘄艾

紅花

各七分

兔絲子

一錢二分

白芍

一錢二分冬月不用

枳殼

六分麩炒

羌活

六分麩炒

甘草

五分

以上十三味只用十二味不可加減安

胎去紅花催生去蘄艾用井水鍾半薑二片爲引熱

服渣用水一鍾煎半鍾熱服如不好再用水一鍾煎

半鍾服之卽效不用二劑

催生兔腦丸

治橫生逆產神效

臘月兔腦髓

一個

母丁香

一個

乳香

一錢
另研

麝香

一分

兔腦爲丸芡實大陰乾密封用時以溫酒送下一丸

奪命丹

臨產未產時目反口噤面黑唇青口中吐沫命在須

臾若臉面微紅子死母活急用蛇退

蚕故子

燒灰
不存

性

髮灰 一錢

乳香 五分

其爲細末酒下

加味芎歸湯 治子宮不收產門不開

人參 二錢

黃芪 一錢

川芎 一錢

當歸 二錢

升麻 八分

炙草 四分

桑子 十五粒

再不收加半

夏 八分

白芍

八分 酒炒

新產治法

生化湯先連進二服若胎前素弱婦人見危症熱症墮胎不可拘貼數服至病退乃止若產時勞甚血崩形脫即加入參三四錢在內頻服無虞若氣促亦加入參加參於生化湯者血塊無滯不可以參為補而

唐衍綱一
弗用也有治產不用當歸者見偏之甚此方處置萬
全必無一失世以四物湯治產地黃性寒滯血芍藥
微酸無補伐傷生氣誤甚

產後用藥十誤

一因氣不舒而誤用耗氣順氣等藥反增飽悶陳皮
用至五分禁枳實厚朴

二因傷氣而誤用消導反損胃氣至絕穀禁枳壳大

黃蓬稜麩朴

三因身熱而誤用寒涼必致損胃增熱禁苓連梔柏

升麻

四因日內未曾服生化湯勿用參芪朮以致塊痛不消

五母用地黃以滯惡露

六母獨用枳殼牛膝枳實以消塊

七便秘母用大黃芒硝

八母用蘇木稜蓬以行塊芍藥能伐氣不可用

九母獨用山查湯以攻塊定痛而反損新血

十母輕服濟坤丹以下胎下胞

產後危疾諸症當頻服生化湯隨症加減照依方論
產後寒熱

凡新產後榮衛俱虛易發寒熱身痛腹痛決不可妄
投發散之劑當用生化湯爲主稍佐發散之藥產後
脾虛易於停食以致身熱世人見有身熱便以爲外
感遽然發汗速亡甚矣當於生化湯中加扶脾消食
之藥大抵產後先宜補血次補氣若偏補氣而專用
參芪非善也產後補虛用參芪芎歸白朮陳皮炙草
熟輕則用茯苓淡滲之藥其熱自除重則加乾薑或

云大熱而用薑何也曰此熱非有餘之熱乃陰虛內
生熱耳蓋乾薑能入肺分利肺氣又能入肝分引衆
藥生血然必與陰血藥同用之產後惡寒發熱腹痛
者當主惡血若腹不痛非惡血也

產後寒熱口眼歪邪此乃氣血虛甚以大補爲主左
手脈不足補血藥多於補氣藥右手脈不足補氣藥
多於補血藥切不可用小續命等發散之藥

胎前患傷寒疫症瘧疾墮胎等症

胎前或患傷寒疫症瘧疾熱久必致墮胎墮後愈增

熱因熱消陰血而又繼產失血故也治者慎勿妄論
傷寒瘧疫未除誤投梔子豉湯柴苓連柏等藥雖或
往來潮熱大小便秘五苓承氣等藥斷不可用只重
產輕邪大補氣血頻服生化湯如形脫氣脫加生脈
散以防血暈蓋川芎味辛能散乾薑能除虛火熱雖
有便秘煩渴等症只多服生化湯自津液生而二便
通矣若熱用寒劑愈虛中氣誤甚

產後諸症治法

血塊 第一

此症勿拘古方妄用蘇木蓬稜以輕人命其一應散血
方破血藥俱禁用雖山查性緩亦能害命不可擅用惟
生化湯係血塊聖藥也

生化湯原方

當歸 八錢

川芎 三錢

桃仁 十四粒去皮尖研

黑薑 五分

炙草 五分

用黃酒童便各半煎服

又益母丸鹿角灰就用生化湯送下一錢外用烘熱衣

服煖和塊痛處雖大暑亦要和煖塊痛處有氣不運而
暈迷厥切不可妄說惡血搶心只服生化湯爲妙俗有
生地半膝行血山稜蓬朮敗血山查沙糖消塊蘄艾椒
酒定痛反致昏暈等症切不可妄用二三四日內覺痛
減可揉乃虛痛也宜加參生化湯

肉桂一作
三分

如七日內或因寒涼食物結塊痛甚者加入肉桂八分
於生化湯內如血塊未消不可加參芪用之則痛不止
總之慎勿用峻利藥勿多飲薑椒艾酒頻服生化湯行
氣助血外用熱衣以煖腹如用紅花以行之蘇木牛膝

以攻之則誤其胎氣脹用烏藥香附以順之枳壳厚朴
以舒之甚有青皮枳實蘇子以下氣定喘芩連梔子黃
柏以退熱除煩至於血結更甚反用承氣湯下之而愈
結汗多小便短濇反用五苓散通之而愈秘非徒無益
而又害之也

凡兒生下或^停血不下半月外尙痛或外加腫毒高寸許
或身熱減飲食倦甚必用生化湯加三稜蓬朮肉桂等
攻補兼治其塊自消如虛甚食少泄瀉只服此帖定痛
且健脾胃進食止瀉然後服消塊湯

加味生化湯 治血塊日久不消半月後方可用之

川芎 一錢

當歸 三錢

黑薑 四分

桃仁 十五粒

三稜 六分 醋炒

元胡 六分

肉桂 六分

炙草 四分

血暈 第二

分娩之後眼見黑花頭眩昏暈不省人事者一因勞倦甚而氣竭神昏二因大脫血而氣欲絕三因痰火乘虛泛上而神不守當急服生化湯二三帖外用荳菜細切納有嘴瓶中用滾醋二鍾沖入瓶內急沖產母鼻中即醒若偏信古方認爲惡血搶心而輕用散血之劑認爲痰火而用無補消降之方誤甚矣

如暈厥牙關緊閉速煎生化湯撬開口將鵝毛探喉酒盞盛而灌之如灌下腹中漸溫煖不可拘帖數外用熱

手在單衣上從心揉按至腹常熱火煖之一兩時服生
化湯四帖完卽神清始少緩藥方進粥服至十服而安
故犯此者連灌藥火煖不可棄而不救若在冬月婦人
身欠煖亦有大害臨產時必須煎生化湯預燒秤錘硬
石子候兒下地連服二三帖又產婦枕邊用醋韭投醋
瓶之法決無暈症又兒生時合家不可喜子而慢母產
母不可顧子忘倦又不可產訖卽臥或忿怒逆氣皆致
血暈慎之慎

加味生化湯

治產後三等血暈症

川芎 三錢

當歸 六錢

黑薑 四分

桃仁 十粒

炙草 五分

荆芥 四分
炒黑

大棗水煎服

勞倦甚而暈及血崩氣脫而暈並宜速灌兩服如形
色脫或汗出而脫皆急服一帖卽加入參三四錢一
加肉桂四分決不可疑參爲補而緩服痰火乘虛泛
上而暈方內加橘紅四分虛甚加人參二錢肥人多
痰再加竹瀝七分薑汁少許總不可用稜朮破血等
方其血塊痛甚兼送益母丸或鹿角灰或元胡散或
獨勝散上消血塊方服一服卽效不必易方從權救

急

加參生化湯

治產後形色脫暈或汗多脫暈

人參

三錢有倍加至五錢者

川芎

二錢

當歸

五錢

炙草

四分

桃仁

十粒

炮薑

四分

大棗水煎服

脈脫形脫將絕之症必服此方加參四五錢頻頻灌

之產後血崩血暈兼汗多宜服此方無汗不脫只服

本方不必加參左尺脈脫亦加參此方治產後危急

諸症可通用一晝一夜必須服三四劑若照常症服

豈能接將絕之氣血扶危急之變症耶產後一二日

血塊痛雖未止產婦氣血虛脫或暈或厥或汗多或
形脫口氣漸涼煩渴不止或氣喘急無論塊痛從權
用加參生化湯病勢稍退又當減參且服生化湯

加減法血塊痛甚加肉桂七分渴加麥冬一錢五味
十粒汗多加麻黃根一錢如血塊不痛加炙黃芪一
錢以止汗傷飯食麪食加炒神麪一錢麥芽五分炒
傷肉食加山查五個砂仁四錢炒

厥症

婦人產有用力過多勞倦傷脾故逆冷而厥氣上胸滿脈去形脫非大補不可豈錢數川芎當歸能回陽復神乎必用加參生化湯倍參進二劑則氣血旺而神自生矣厥自止矣若服藥而反渴另有生脈散獨參代茶飲救臟之燥如四肢逆冷又泄痢類傷寒陰症又難用四逆湯必用倍參生化湯加附子一片可以回陽止逆又可以行參歸之力立二方於左分先後

加參生化湯

治產後發厥塊痛未止不可加芫朮

川芎二錢

當歸四錢

炙草五分

炮薑四分

桃仁

十粒去皮尖研

人參二錢

棗水煎進二服炮一作黑

滋榮益氣復神湯

治產後發厥問塊痛已除可服此方

人參三錢

便芪一錢

白朮一錢

當歸三錢

炙草四分

陳皮四分

五味十粒

川芎一錢

熟地一錢

麥芽一錢

棗一枚水煎服

手足冷加附子五分汗多加麻黃根一錢熟棗仁一

錢妄言妄見加益智柏子仁龍眼肉大便實加肉苁

蓉二錢大抵產後暈厥二症相類但暈在臨盆症急

甚於厥宜頻服生化湯幾帖塊化血旺神清暈止若
多氣促形脫等症必加參芪厥在分娩之後宜倍參
生化湯止厥以復神並補氣血也非如上偏補氣血
而可愈也要知暈有塊痛芪朮不可加厥症若無塊
痛芪朮地黃並用無疑也

血崩第四

產後血大來審血色之紅紫視形色之虛實如血紫有塊乃當去其敗血也止畱作痛不可論崩如鮮紅之血乃是驚傷心不能生血怒傷肝不能藏血勞傷脾不能統血俱不能歸經耳當以崩治先服生化湯幾帖則行中自有補血凝氣生若形脫汗多氣促宜服倍參生化湯幾帖以益氣非棕灰之可止者如產後半月外崩又宜升舉大補湯治之此症虛極服藥平穩未見速效須二十帖後諸症頓除

生血止崩湯 治產後血崩

川芎 一錢

當歸 四錢

黑薑 四分

炙草 五分

桃仁 十粒

荆芥 五分
炒黑

烏梅 五分
股灰

蒲黃 五分
炒

棗水煎忌薑椒熱物生冷 凡止崩用荆芥俱宜炒黑

鮮紅血大來荆芥穗炒黑白芷各五分血竭形敗加

參三四錢汗多氣促亦加參三四錢無汗形不脫氣

促只服生化湯多服則血自平有言歸芎但能活血

甚誤

升舉大補湯

滋榮益氣如有塊動只服前方芫米勿屬

黃芪

白朮

陳皮

各四分

人參

二錢

炙草

升麻

各四分

當歸

熟地

各二錢

麥冬

一錢

川芎

一錢

白芷

四分

黃連

三分

荆芥穗

四分
炒黑

汗多加麻黃根一錢浮麥炒一小撮大便不通加肉

菴蓉一錢禁用大黃有氣磨木香三分痰加貝母六

分竹瀝薑汁少許寒嗽加杏仁十粒桔梗五分知母

一錢驚

加

仁柏子仁各

錢傷飯加神麩麥芽各一

錢傷肉食加山查砂仁各八分俱加棗水煎身熱不

可加連柏傷食怒氣均不可專用耗散無補藥凡年
老虛人患崩宜升舉大補湯

氣短似喘 第五

因血脫勞甚氣無所恃呼吸止息違其常度有認爲痰
火反用散氣化痰之方誤人性命當以大補血爲主如
有塊不可用參芪朮無塊方可用本方去桃仁加熟地
並附子一片足冷加熟附子一錢及參朮陳皮接續補
氣養榮湯

加參生化湯

治分娩下卽患氣短者有塊不可加芪朮

川芎 二錢

當歸 四錢

炙草 五分

黑薑 四分

桃仁

十粒去皮尖研

人參 二錢

引加棗一枚連進二三帖

後後續

後再用後方

補氣養榮湯 治產後氣短促血塊不痛宜服此方

黃芪 一錢

白朮 一錢

當歸 四錢

人參 三錢

黃芪白朮
一作各二錢

陳皮 二分

炙草 四分

熟地 二錢

川芎 二錢

黑薑 四分

如手足冷加熟附子一錢汗多加麻黃

根一錢浮麥一小撮渴加麥冬一錢五味子十粒大

便不通加肉苳蓉一錢麻仁一撮傷麩飯加炒神麩

一錢炒麥芽一錢傷肉食加山查砂仁各五分

按麥芽有回乳之害用者慎之

凡止汗用
浮麥宜炒

妄言妄見 第六

由氣血虛神魂無依也治當論塊痛有無緩急若塊痛未除先服生化湯二三帖痛止繼服加參生化湯或補中益氣湯加安神定志丸湯丸調服之若產日久形氣俱不足卽當大補氣血安神定志服至藥力充足其病自愈勿謂邪祟若噴以法水驚之每至不救屢治此症服藥至十數帖方效病虛似邪欲除其邪先補其虛先調其氣次論諸病此古人治產後虛症及年老虛喘弱人妄言所當用心也

安神生化湯 治產後塊痛未止妄見症未可用芫木

川芎 一錢

柏子仁 一錢

人參 一二錢

當歸 二三錢

茯神 二錢

桃仁 十二粒

黑薑 四分

炙草 四分

益智 八分

陳皮 三分

棗水煎

滋榮益氣復神湯 塊痛已止妄言妄見服此方即愈

黃芪

白朮

麥冬

川芎

柏子仁

茯神

益智 各一錢

人參

熟地 各二錢

陳皮 三分

炙草 四分

棗仁 十粒

五味子 十粒

蓮子 八枚

元肉 八個

棗水煎服

產後血崩血脫氣喘氣脫神脫妄言雖有血氣陰陽
之分其精散神去一也比暈厥少緩亦危症也若非
厚藥頻服失之者多矣誤論氣實痰火者非也新產
有血塊痛並用加參生化湯行中有補斯免滯血血
暈之失也其塊痛止宜用升舉大補湯少佐黃連墜
火以治血脫安血歸經也宜用倍參補中益氣湯少
佐附子助參以治氣脫攝氣歸淵也宜用滋榮益氣
復神湯少佐痰劑以清心火安君主之官也

傷食 第七

新產後禁膏粱遠厚味如飲食不節必傷脾胃治當扶元溫補氣血健脾胃審傷何物加以消導諸藥生化湯加神麩麥芽以消麩食加山查砂仁以消肉食如寒冷之物加吳萸肉桂如產母虛甚加人參白朮又有塊然後消補並治無有不妥者屢見治者不重產後之弱惟知速消傷物反損真氣益增滿悶可不慎哉

加味生化湯
 治血塊未消服此以消食

川芎 二錢

當歸 五錢

黑薑 四分

炙草 五分

桃仁 十粒

問傷何物加法如前煎服

健脾消食生化湯 治血塊已除服此消食

川芎 一錢

人參

當歸 各二錢

白朮

一錢五分

炙草 五分

審傷何物加法如前

如停寒物日久脾胃虛弱恐藥不能運用可用揉按
炒神麩熨之更妙凡傷食誤用消導藥反絕粥幾日
者宜服此方

長生活命丹

人參三錢水一鍾半煎半鍾先用參湯一盞以米飯
鍋焦研粉三匙漸漸加參湯鍋焦粉引開胃口煎參
湯用新礮或銅杓恐聞藥氣要嘔也如服寒藥傷者
加薑三大片煎湯人參名活命草鍋焦名活命丹此
方會活數十人

忿怒 第八

產後怒氣逆胸膈不利血塊又痛宜用生化湯去桃仁服時磨木香二分在內則塊化怒散不相悖也若輕產重氣偏用木香烏藥枳壳砂仁之類則元氣反損益增滿悶又加怒後即食胃弱停問當審何物治法如前慎勿用木香檳榔丸流氣引子之方使虛弱愈甚也

木香生化湯

治產後血塊已除因受氣者

川芎 二錢

當歸 六錢

陳皮 三分

黑薑 四分 服

時磨木香二分在內此方減桃仁用木香陳皮前

減乾薑者詳之

健脾化食散氣湯

治受氣傷食無塊痛者

白朮 二錢

當歸 二錢

川芎 一錢

黑薑 四分

人參 二錢

陳皮 三錢

陳皮一作三分又有多草四分存赤

審傷何物加法如前大抵產後忿怒氣逆及停食二

症善治者重產而輕怒氣消食必以補氣血為先佐

以調肝順氣則怒鬱散而元不損佐以健脾消導則

停食行而思穀矣若端理氣消食非徒無益而又害

之

類瘧 第九

產後寒熱往來每日應期而發其症似瘧而不可作瘧
治夫氣血虛而寒熱更作元氣虛而外邪或侵或嚴寒
或極熱或晝輕夜重或日晡寒熱絕類瘧症治當滋榮
益氣以退寒熱有汗急宜止或加麻黃根之類只頭有
汗而不及於足乃孤陽絕陰之危症當加地黃當歸之
類如陽明無惡寒頭痛無汗且與生化湯加羌活防風
連鬚葱白數根以散之其柴胡清肝飲等方常山草菓
等藥俱不可用

滋榮養氣扶正湯 治產後寒熱有汗午後應期發者

人參 二錢

炙黃芪

白朮

川芎

熟地

麥冬

麻黃根 各一錢

當歸 三錢

陳皮 四分

炙草 五分

棗水煎

加減養胃湯

治產後寒熱往來頭痛無汗類瘧者

炙草 四分

白茯苓 一錢

半夏 八分製

川芎 一錢

陳皮 四分

當歸 二錢

蒼朮 一錢

藿香 四分

人參 二錢

薑引煎服有痰加竹瀝薑汁半夏神麩弱人兼服河

車丸凡久瘧不愈兼服參朮膏以助藥力

參朮膏

白朮 一斤 米泔浸一宿剉焙人參 一兩 用水六碗煎

二碗再煎二次共汁六碗合在一處將藥汁又熬成

一碗空心米_湯化牛酒盞

產後類
類傷寒二陽症 第十

產後七日內發熱頭痛惡寒毋專論傷寒爲太陽症發
熱頭痛脇痛毋專論傷寒爲少陽症二症皆由氣血兩
虛陰陽不和而類外感治者慎勿輕產後熱門而用麻
黃湯以治類太陽症又勿用柴胡湯以治類少陽症且
產母脫血之後而重發其汗虛虛之禍可勝言哉昔仲
景云亡血家不可發汗丹溪云產後切不可發表二先
生非謂產後真無傷寒之兼症也非謂麻黃湯柴胡湯
之不可對症也誠恐後輩學業偏門而輕產執成方而

發表耳誰知產後真感風感寒生化中芎藭亦能散之

乎

加味生化湯

治產後三日內發熱頭痛症

川芎

防風 各一錢
當歸 三錢

炙草 四分

桃仁 十粒

羌活 四分

查刊本去桃仁然必須問有塊痛與否方可議去服

二帖後頭仍痛身仍熱加白芷八分細辛四分如發

熱不退頭痛如故加連鬚葱五個人參三錢產後敗

血不散亦能作寒作熱何以辨之曰時有刺痛者敗

一本無桃
仁有羌薑
四分

血也但寒熱無他症者陰陽不和也刺痛用當歸乃
和血之藥若乃積血而刺痛者宜用紅花桃仁歸尾
之類

類傷寒三陰症 第十二

潮熱有汗大便不通母專論爲陽明症口燥咽乾而渴
母專論爲少陰症腹滿液乾大便實母專論爲太陰症
又汗出譫語便閉母專論爲腸胃中燥糞宜下症數症
多由勞倦傷脾運化稽遲氣血枯稿腸腑燥涸乃虛症
類實當補之症治者勿執偏門輕產而妄議三承氣湯
以治類三陰之症也間有少壯產後妄下幸而無妨虛
弱產婦亦復妄下多致不救屢見妄下成膨誤導反結
又有血少數日不通而卽下致瀉不止者危哉婦人良

產後編上
方云產後大便不通而其日期飯食數多即用藥通之
禍在反掌必待腹脹覺脹欲去不能者反結在直腸宜
用猪胆汁潤之若日期雖久飲食如常腹中如故只用
補劑而已若服苦寒疏通反傷中氣通而不止或成痞
滿誤矣

養正通幽湯 治產後大便秘結類傷寒三陰症

川芎 二錢半
當歸 六錢
炙草 五分
桃仁 十五粒

麻仁 二錢
炒
肉苳蓉 酒洗去甲
一錢
汗多便實加

黃芪 一錢
麻黃根 一錢
人參 二錢
口燥渴加人

參麥冬 各一錢 腹滿溢便實加麥冬 一錢 枳壳 六分

人參 二錢 茯苓 一錢 汗出譫語便實乃氣血虛竭精

神失守宜養榮安神加茯神遠志茯苓 各一錢 人參

白朮 各二錢 黃芪 白芷 各一錢 柏子仁 一錢

以上數等大便燥結症非用當歸人參至斤數難取

功效大抵產後虛中傷寒口傷食物外症雖見頭痛

發熱或脇痛腰痛是外感宜汗猶當重產亡血禁汗

惟宜生化湯量為加減調理無失又如大便秘結猶

當重產亡血禁下宜養正助血通滯則穩當矣

又潤腸粥

治產後日久大便不通

芝麻一升研末和米二合煮粥食腸潤卽通

白豆

蘇

類中風 第十二

產後氣血暴虛百骸少血濡養忽然口噤牙緊手足筋脈拘搐等症類中風痲痺雖虛火泛上有痰皆當以未治之勿執偏門而用治風消痰之方以重虛產婦也治法當先服生化湯以生旺新血如見危症三服後即用加參益氣以救血脫也如有痰火少佐橘紅炒芩之類竹瀝薑汁亦可加之黃柏黃連切不可並用慎之

滋榮活絡湯

治產後血少口噤項強筋搐類風症

川芎 一錢半 當歸

熟地

人參 各二錢

黃芪

扶神

天麻 各一錢

炙草

陳皮

荊芥穗

防風

羌活 各四分

黃連

入分 薑汁炒

有痰加竹瀝薑汁半夏渴加麥冬葛根

有食加山查砂仁以消肉食神麩麥芽以消飯食大

便閉加肉蓯蓉一錢半汗多加麻黃根一錢驚悸加

棗仁一錢

天麻丸

治產後中風恍惚語澀四肢不利

天麻 一錢

防風 一錢

川芎 七分

羌活 七分

人參

遠志

柏子仁

山藥

一本棗仁
用一錢細
辛用四分
存赤

麥冬

各一錢

棗仁

一兩

細辛

四分

南星麩

八分

石菖蒲

一錢

研細末煉蜜爲丸辰砂爲衣清湯下六

七十九

類症 第十三

產後汗多即變瘧者項強而身反氣息如絕宜速服加

減生化湯

加減生化湯 專治有汗變瘧者

川芎

麻黃根 各錢
當歸 四錢

桂枝 五分

人參 一錢

炙草 五分
羌活 五分

天麻 八分

附子 一片

羚羊角 八分

如無汗類瘧者中風用川芎

三錢
當歸 一兩
酒洗 棗仁

防風 俱無分量

一本引用生薑一片棗一枚

出汗 第十四

凡分娩時汗出由勞傷脾驚傷心恐傷肝也產婦多兼三者而汗出不可卽用斂汗之劑神定而汗自止若血塊作痛芫朮未可遽加宜服生化湯二三帖以消塊痛隨繼服加參生化湯以止虛汗若分娩後倦甚澌澌然汗出形色又脫乃亡陽脫汗也汗本亡陽陽亡則陰隨之故又當從權速灌加參生化湯倍參以救危急毋拘塊痛婦人產多汗當健脾以斂水液之精益榮衛以噓血歸源灌漑四肢不使妄行雜症雖有自汗盜汗之分

然當歸六黃湯不可治產後之盜汗也並宜服加參生
化湯及加味補中益氣二方若服參芪而汗多不止及
頭出汗而不至腰足必難瘳矣如汗出而手拭不及者
不治產後汗出氣喘等症虛之極也不受補者不治

麻黃根湯

治產後虛汗不止

人參二錢

當歸二錢

黃芪一錢半

白朮二錢

桂枝五分

麻黃根一錢

粉草五分

牡蠣少許

浮麥一大撮

虛脫汗多手足冷加黑薑四分熟附子一片渴加麥

冬一錢五味十粒肥白人產後多汗加竹瀝一匙薑汁一小匙以清痰火惡風寒加防風桂枝各五分血塊不落加熟地三錢晚服八味地黃丸

山茱萸

山藥

丹皮

雲苓

各八錢

澤瀉

五錢

熟地

八錢

五味子

五錢

炙黃芪

一兩

煉蜜爲丸陽加於陰則汗因而遇風變爲痲癢者有之尤難治故汗多宜謹避風寒汗多小便不通乃亡津液故也勿用利水藥

盜汗 第十五

產後睡中汗出醒來卽止猶盜賊人睡而謂之盜汗非汗自至之比雜症論云自汗陽虧盜汗陰虛然當歸六黃湯又非產後盜汗方也惟兼氣血而調治之乃爲得

耳

止汗散 治產後盜汗

人參 二錢

當歸 二錢

熟地 一錢半

麻黃根 五分

黃連 五分

浮小麥 一大棗

一本牡蠣
小麥炒黃
各五分空
心調服

又方

牡蠣 煨細末五分
小麥麵 炒黃研末

口渴兼小便不利 第十六

產後煩燥咽乾而渴兼小便不利由失血汗多所致治當助脾益肺升舉氣血則陽升陰降水入經而爲血爲液穀入胃而氣長脈行自然津液生而便調利矣若認口渴爲火而用芩連梔柏以降之認小便不利爲水滯而用五苓散以通之皆失治也必因其勞損而溫之益之因其留滯而濡之行之則庶幾矣生津止渴益水飲

人參

麥冬

當歸

生地

各三錢

黃芪 一錢

葛根 一錢

升麻

炙草 各四分

茯苓 八分

五味子 十五粒

汗多加麻黃根一錢浮小麥一大撮大便燥加肉蓯蓉一錢五分渴甚加生派散不可疑而不用

遺尿 第十七

氣血太虛不能約束宜八珍湯加升麻柴胡甚者加熟附子一片

紫貝金車日

河草日

象花日

少虫夏草日

蛤蚧日

甘44

以烟灰蜜各厚二種為丸服

斷癮神方